

hern Frideriche unde hern Wilhelme gebrudern landgraven in Doringen unde marcgraven zcu Missin unsern liben gnedigen hern gesaczt unde gethan habin, secczin unde thun uns zcu yn geinwertlichin mit diesim briefe, also das wir yn ubir den edeln graffen Gunther von Swarczburg hern zcu Sundirshusen adir wer sich des kriges anneme mit unserm  
 5 slosse vorgeant unde mit alle deme, daz wir vormogen, getruwelichin behulffin sin sollen und wollen ane arg unde ane allis geverde. [2] Wir sollen unde wollen ouch des obingeschrebin von Swarczburg unde wer sich des kriges anneme von stund an fiand werden unde den fientlichin thun, als balde wir des von unsern gnedigen hern obingenant vormanet werden, uzgeslossin die hochgeboren fursten unde hern hern Frideriche den iungern  
 10 landgrave in Doringen unde marcgrave zcu Missin unde hern Hermann landgraven zcu Hessin, der fiand wir nicht werden sollin. Were abir, das sie uns vorboten, das wir unsern gnedigen herren hern Frideriche unde hern Wilhelme ubir den von Swarczburg unde wer sich des kriges anneme nicht helffin solden, daran sollen unde wollen wir uns nicht keren, sundern wir sollen yn getruwelichin helffin ane allis vorbot unde hinderniß.  
 15 [3] Wanne uns ouch unser gnedigen hern adir ire amptlute zcu dinste heischin, \*so<sup>a</sup>) sollen unde wollen wir yn zcu dinste komen mit zcehin mit glesfenien guter wepener. Unde wanne uns unser gnedigen hern adir ire amptlute so zcu dinste heischin, so sollen sie uns futer unde brot gebin unde vor schaden stehin als andern iren manne unde dinern.  
 [4] Ouch sollen unde wollen wir mit deme obgnanten von Swarczburg adir wer sich des  
 20 kriges anneme keine sune adir fride uffnemen noch dheinerleie hinderteidinge mit yn habin ane unser gnedigen hern wissen unde willen, sundern wir sollen unde wollen mit yn den krig gancz uz herten ane arg und allis geverde. [5] Unde unser gnedigen hern sollen uns zcihen yn iren frede unde sune, darczu sie unsere gancze macht habin sollen, unde waz uns von des kriges wegin antrete, darczu sollen uns unsere gnedigen hern  
 25 schucczen unde vorteidigen als andere ire dinere und manne. [6] Darumbe uns ouch die obingeschriben liben gnedigen hern hundirt unde zewenczig Rinsche gulden gegeben habin, die wir ouch von yn genommen und in unser und unser erbin nütz und fromen gekart unde gewant habin. Alle obingeschriben rede, stucke unde artikele reden und globen wir obingeschriben Heinrich, Herman und Hermann unsern gnedigen hern in  
 30 guten truwen stete, gancz unde unvorrucket zcu halden ane arg und allis geverde unde habin des zcu orkunde unser insigel wissintlichen an diesin briff lazen hengen, der gegeben ist noch Cristi geburt virczen hundirt iar darnach in deme zewolfften iare am donrstage noch Iacobi.

## 257.

35 *Der Rat zu Mühlhausen teilt [den Grafen von Schwarzburg zu Arnstadt und Sondershausen] auf ihre Bitte um Hilfe für den Fall eines Angriffs der Markgrafen von Meissen, des Landgrafen von Hessen und anderer mit, daß er die Sache an die von Erfurt und Nordhausen bringen wolle.*

[1412] Juli 31.